

Sanglinz: Fanh Vunz Angq-hoh “Ciet Luzyih Cunhse”

上林: 万人欢庆卢於春社活动节

3 nyied 13 hauh, liggaueq ngeih nyied co' ngeih, Sanglinz Yen Muzsanh Yangh miz 3 fanh lai ginzcung youq Muzsanh Yangh baihnaj Miuhluzyih angqhoh “Ciet Luzyih Cunhse”. Ngoenzhaenx, angqhoh hozdung neiyungz lai raixcaix, miz vwnzyi byaujyenj, miz vaiz doxdaemj doxdax, beij oij raez doxdax, miz bau aendomq, diuq fouxsaux, diuq foux haizgieg, beng cag, eu fwen daengj.

Muzsanh Yangh dangiveij Vuz suhgi naeuz, guh baez hozdung neix, dwg Muhsanh Yangh aeu vwnzva gaq giuz, coi ginghei dangdieg fazcanj, hix maqmuengh bi moq raemxcuk haeuxnaz ndaej fungsou.

Seizneix, aen “Ciet Luzyih Cunhse” gaenq baenz le Muzsanh Yangh aen “ciet minzcuz conzdungj vwnzva yisuz” ndeu.

(Veiz Yennaz)



▲ Bau aendomq doxdax.

◀ Vaiz doxdaemj doxdax.

Yungzsuij: Beixnuengx Dung-cuz Angq Coux “Ciet Bauqva”

融水: 侗族群众喜迎“花炮节”

Vihliux angq coux liggaueq ngeih nyied co' ngeih “ciet bauqva” daeuj daengz, 3 nyied 12 hauh, Yungzsuij Myauzcuz Swciyen Dungdoux Yangh gyoengq beixnuengx Dungcuz Mbanj-dungdoux, Mbanjcaidwngx, Mbanjcaij-linz, Mbanjbingzcwngz doxcomz youq ndaw Mbanjdungdoux ciengq go diuq foux, angq coux “ciet bauqva”, gyoengq de yienj gij go foux neix cungj dwg gyoengqde gag bien gag yienj, ndei yawj dangqmaz.

(Lungz Dauh)



▲ Dahsau Dungcuz danz bizbaz.

◀ Gyoengq mehmbwk Mbanjcaidwngx diuq foux-dikdek.



Yangzsoz: “Sam Roengz Mbanj” Hozdung Ndaej Daengz Ginzcung Haenhndei

阳朔: 群众称赞“三下乡”活动

Mboengqneix, Yangzsoz Yen youq Buzdauz Cin guh vwnzva, veiswngx, gohgi “sam roengz mbanj” hozdung, mienxngaenz fat gak cungj saw veinungz cwngecwz, nungzyez gohgi hawj ginzcung. Mbanj-ndoimakseq miz boux ndaem makginghiz ndeu lingx ndaej bonj saw 《Yangzsoz Yen Makginghiz Dajndaem Gisuz》le angq dwk naeuz: “Gou engq miz saenqsim ndaem makginghiz lo, ciuq ndaw saw fuengfap bae guh, gou caiq lai ndaem 5 moux makginghiz dem.”

(Cungh Nanz)



▲ Nungzminz lingx ndaej saw nungzyez cihsiz angq raix-caix.

Gunghcwngz:

Makdoengj Baenzsou Youh Ndei Gai

恭城: 夏橙丰收好销路



▲ Gyoengq nungzminz faenloih cang mak haeuj ndaw sieng.

Haeuj ndaw ndwen 3 nyied ndawcib daeuj, Gunghcwngz Yauzcuz Swciyen fanh moux makdoengj seizhah laebdaeb baenzcug ndaej gai, ndaw yienh Gvanhyinh Yangh, Gyahvei Yangh dwg dieg ndaem makdoengj ceiq lai. Vihliux bang gyoengq nungzminz gai makdoengj ndaej vaiq di, gyoengq ganbu dangjyenz doenggvaq vangjloz, dienhvah lienzhaeh, veizboz daengj fuengsik bang nungzminz lienzhaeh dieg gai, Seizneix, gaenq miz Gvangj-dungh, Huzbwz daengj dieg laujbanj daeuj cawx lo.

(Cwng Ciminj)

Yensw Ndaw Reih Son Gisuz

院士进茶园传授技术



▲ Cinz Cunghmau yensw (boux baihgva) doq bang nungzminz mbaet mbawcaz, doq cam ndaem cazcin cingzgvang.

Laebdaeb geij ngoenz daeuj, Cunghgoz Gunghcwngzyen boux yensw nem mbawcaz conghyah Cinz Cunghmau daeuj daengz ndaw reih cazcin Sanhyangh Dungcuz Swciyen, doiq mbawcaz swngheanj, gyagoeng, gai caeuq yungh goeng daengj vwndiz, caeuq gyoengq boux-ndaemcaz itheij damqdauj yenzgiu. Sanhyangh Dungcuz Swciyen dwg gih raeuz aen yienh fouz goenghah mbawcaz swngheanj sifan ceiq hung ndeu.

(Cangh Ailinz)